



SJÚKRAFLUTNINGASKÓLINN

Ársskýrsla 2023

Inngangur

Hlutverk Sjúkraflutningaskólans er að veita menntun á sviði sjúkraflutninga og bráðapjónustu utan sjúkrahúsa. Við skólann starfa tveir starfsmenn í fullu starfi, skólastjóri og verkefnisstjóra. Auk þeirra koma að námskeiðum leiðbeinendur og umsjónarmenn námskeiða sem verktakar sem eru m.a. sjúkraflutningamenn, bráðateknar, hjúkrunarfræðingar, ljósmæður og læknar. Sjúkraflutningaskólinn er rekinn sem eining innan Sjúkrahússins á Akureyri (SAk) og ber framkvæmdastjórn SAk ábyrgð á daglegum rekstri skólans.

Á árinu 2023 voru haldin 61 námskeið (voru 60 árið 2022) og var heildarfjöldi þátttakenda 601 (voru 556 árið 2022). Grunnnámskeið í sjúkraflutningum EMT voru níu með 96 þátttakendum, framhaldsnámskeið (lotur) AEMT voru nítján með 157 þátttakendum, vettvangshjálparnámskeið EMR voru tíu með 95 þátttakendum og endurmenntunarnámskeið voru 23 með 253 þátttakendum.




Útskrift Sjúkraflutningaskólans 2. Júní 2023

Fyrirkomulag menntunar sjúkraflutningamanna.

Nám sjúkraflutningamanna á Íslandi er annars vegar grunnnám (EMT) sem er 260 tíma nám og framhaldsnám (EMT-Advanced) sem er 413 tíma nám. Nemendur fá starfsleyfi að loknu grunnnámi og geta þá hafið störf sem sjúkraflutningamenn. Bæði grunnhluti og framhaldshluti námsins, byggjast á viðmiðum úr kennsluskrá sjúkraflutningamanna í Bandaríkjum NA, byggt á stöðlum frá National Highway Traffic Safety Administration (NHTSA). Auk náms í sjúkraflutningum sinnir skólinn námi í Vettvangshjálpi (First Responder) byggt á sama staðli og EMT námið og má hér nefna samstarf Sjúkraflutningaskólans við Háskólann á Akureyri og Mennta- og starfsþróunarsetur lögreglunnar varðandi menntun lögreglunema í vettvangshjálpi en allir lögreglunemar taka 40 tíma nám í vettvangshjálpi og útskrifast sem vettvangsliðar

Útskrift Sjúkraflutningaskólans.

Stór útskriftarhátíð var haldin í Flugsafninu á Akureyri 2. júní 2023. Vel var mætt og flutt voru ávörp skólastjóra, nemenda og leiðbeinenda auk tónlistaratriða og góðra veitinga.



GRUNN- OG FRAMHALDSMENNTUN
Grunnnám í sjúkraflutningum er 260 tíma nám sem tekur nú um 5-7 vikur og lýkur með bóklegu og verklegu prófi. Eftir það er hægt að sækja um...

MEIRA

ENDURMENNTUN
Megin markmiðið er að nemendur viðhaldi starfsréttindum sínum sem sjúkraflutningamenn og vettvangsliðar og auki við þekkingu og þjálfun í ljósi...

MEIRA

ÖNNUR NÁMSKEIÐ
Sjúkraflutningaskólinn býður upp á fjölda námskeiða fyrir starfsfólk í bráðabjónustu. Vettvangshjálpi (First Responder) er 40 tíma námskeið fyrir...

MEIRA

Forsíða heimasíðu skólans www.ems.is

Starfsfólk og nefndir skólans

Skólastjóri:

Ingimar Eydal

Framkvæmdastjórn Sjúkrahússins á Akureyri ber ábyrgð á rekstri Sjúkraflutningaskólans. Sjúkraflutningaskólinn heyrir nú undir framkvæmdastjóra lækninga en framkvæmdastjóri þess er Ragnheiður Halldórsdóttir.

Verkefnisstjóri: Valur Halldórsson hóf störf í febrúar 2023 sem verkefnisstjóri í fullu starfi en hætti störfum í ágúst. Þá var Sigurjón Valmundarson ráðinn í hans stað og starfar sem verkefnisstjóri og staðgengill skólastjóra.

Umsjónarmaður búnaðar: Jón G. Knutsen starfaði í hlutastarfi sem umsjónarmaður búnaðar skólans auk fleiri starfa við yfirlestur og umsagnir starfsþjálfunarskýrsla, ýmiskonar aðstoð við framkvæmd námskeiða og annara verka.

Fagråd Sjúkraflutningaskólans:

Fagråd Sjúkraflutningaskólans var ekki virkt á árinu en umjónarmenn og starfsmenn fóru með verkefni þess.

Inntökunefnd

Skólastjóri og verkefnisstjóri ásamt fulltrúa úr Fagráði skipa inntökunefnd skólans.

Fagråd sjúkraflutninga.

Fagráðið er skipað samkvæmt reglugerð um framkvæmd og skipulag sjúkraflutninga nr. 262/2011 til fjögurra ára í senn. Hlutverk þess er að vera heilbrigðisráðherra til ráðgjafar um öll fagleg málefni er varða sjúkraflutninga á, við og yfir Íslandi og skylda starfsemi. Skólastjóri situr í ráðinu fyrir hönd Sjúkraflutningaskólans sem menntastofnunar sjúkraflutninga. Lítil virkni var í ráðinu á árinu.

Aðgerðarstjórn almannavarna Norðurlandi eystra.

Skólastjóri situr í Aðgerðarstjórn almannavarna Norðurlands eystra (AST) fyrir hönd SAK.


Stjórn Símenntunarmiðstöðvar Eyjafjarðar (SÍMEY)

Skólastjóri situr í stjórn Símenntunarmiðstöðvar Eyjafjarðar (SÍMEY) fyrir hönd fyrirtækja og stofnana ríkisins.


Námskeið

Haldin voru 61 námskeið á árinu 2023 og voru þátttakendur samtals 601. Á árinu voru eftirtalin námskeið haldin (sjá myndrit 1 og 2) (fjöldi 2022 í sviga).

Myndrit 1 Tegundir og fjöldi námskeiða



Myndrit 2 Fjöldi þátttakenda á námskeiðum skólans



Grunnnámskeið í sjúkraflutningum (EMT) er 260 klst námskeið sem veitir þeim sem því ljúka starfsréttindi (löggildingu) sem sjúkraflutningamenn. Á árinu 2023 voru haldin **9 (11)** grunnnámskeið EMT bæði í streymisnámi og staðarnámi með samtals **95** nemendum. Eitt staðarnámskeið var haldið í Reykjavík, með 9 nemendum fyrir Slökkvilið höfuðborgarsvæðissins. Streymisnámskeið voru átta, þar sem bókleg kennsla fór fram í gegnum Moodle fjarkennslukerfið en verklegar lotur voru á Akureyri (tveir hópar 25 nemendur), Fáskrúðsfirði (einn hópur 4 nemendur), Sandgerði (2 hópar 25 nemendur) Selfoss (tveir hópar 23 nemendur) og eitt í Reykjavík, (10 nemendur). Bæði er boðið upp á námskeið á vorönn og haustönn. Notuð er bókin Emergency Care, 13. útgáfa frá útgáfufyrirtækiu Pearson sem og önnur kennslugögn s.s. glærur og prófaspurningar.

Framhaldsnám sjúkraflutninga (EMT-Advanced) Framhaldsnámið er 413 klst nám sem veitir sjúkraflutningamönnum aukna færni og aukin réttindi. Náminu er skipt niður í fjórar lotur, auk lokafærnimats, þannig að nemendur geta ráðið hraðanum á náminu, þó er miðað við að námið taki ekki lengri tíma en þrjú ár. Allar lotur voru kenndar á árinu, samtals voru **19** námskeið í lotunáminu með **157** nemendum samtals, þar með talin sjö lokafærnimat þar sem nemendur fara í gegnum mat á öllum þáttum framhaldsnámsins sem þeir þurfa að standast til að geta útskrifast. Í **lotu 1** voru kennd þrjú námskeið, tvö á Akureyri og eitt í Sandgerði með samtals 26 nemendum. Í **lotu 2** voru fimm námskeið, þrjú á Akureyri, eitt Sandgerði og eitt á Fáskrúðsfirði, samtals 36 nemendur. Í **lotu 3** voru fjögur námskeið, tvö í Reykjavík og eitt á Akureyri og í Sandgerði með samtals 36 nemendum. Í **lotu 4** voru tvö námskeið, Reykjavík og Sandgerði með samtals 31 nemendum. Lokafærnimat var svo haldið fimm sinnum, þrisvar sinnum í Reykjavík, og einu sinni í Sandgerði og Akureyri fyrir samtals 27 nemendur.

Vettvangshjálparnámskeið (First Responder) Um er að ræða **42 klst.** námskeið sem er ætlað viðbragðsaðilum sem eru líklegir til að verða fyrstir á vettvang slysa, s.s lögreglu, slökkvilið, björgunarsveitir eða aðrir skipulagðir viðbragðsaðilar. Samtals voru haldin **10** námskeið í Vettvangshjálparnámskeið með samtals **95** þátttakendum. Sex námskeið voru haldin fyrir lögreglunema við Háskólann á Akureyri með 71 þátttakendum, eitt námskeið var fyrir Securitas með tvo þátttakendum, eitt fyrir vettvangsliðahóp á Raufarhöfn, fimm þátttakendum, eitt fyrir Slökkvilið Þingeyjarsveitar, fimm þátttakendum og eitt fyrir Slökkvilið Grindavíkur með tólf þátttakendum.

Endurmenntunar- og sérsnámskeið fyrir sjúkraflutningamenn, vettvangsliða og aðra viðbragðsaðila voru **23** með samtals **253** þátttakendum. Þar af voru 16 ILS námskeið (Sérhæfð endurlífgun 1) með 168 nemendum, fjögur í Reykjavík, þrjú á Akranesi, tvö á Akureyri, tvö í Keflavík, tvö á Þórshöfn, og eitt í Sandgerði, Fjallabyggð og Húsavík. EPILS námskeið (Sérhæfð endurlífgun barna 1) voru fjögur með samtals 45 þátttakendum, tvö í Reykjavík og eitt á Akureyri og Sandgerði. Almenn endurmenntun var haldin fyrir Slökkvilið Þingeyjarsveitar, viðbragðsaðila á Þórshöfn og vettvangsliða á Borgarfirði Eystri, samtals 40 þátttakendum.

Lokaorð

Starfsemi skólans hefur verið í nokkru jafnvægi sl. tvö ár eftir nokkrar sviptingar á covid árunum og hefur fjöldi námskeiða og nemenda verið svipaður milli ára.

Í kjölfar tillagna nefndar um stefnumótun í sjúkraflutningum til ársins 2030 vann Heilbrigðisráðuneytið aðgerðaráætlun í málaflokknum. Meðal annars er vikið að því hvort nám sjúkraflutningamanna eigi heima í almenna skólakerfinu eins og menntun annarra heilbrigðisstarfsmanna og var aðgerðaráætlun í þeim efnum vísað til Landsráðs um mönnun og menntun í heilbrigðisþjónustu. Í október var skólanum tilkynnt um tillögur ráðsins til ráðherra og tillögur heilbrigðisráðherra til mennta- og barnamálaráðherra um að nám sjúkraflutningamanna fari í almenna skólakerfið frá og með haustinu 2024. Haldinn var fundur með aðilum málsins í febrúar 2024 og niðurstaða hans var að ekki væri raunhæft að flytja námið fyrr en haustið 2025 þar sem vinna þyrfti námskrá og útfæra námið og hvað yrði hlutverk skólakerfis og hvað yrði hlutverk núverandi Sjúkraflutningaskóla.

Eftir mikla vinnu fékkst fjárveiting fyrir verkefnisstjóra í fullt starf fyrir árið 2023 og var Valur Freyr Halldórsson bráðatæknir og hjúkrunarfræðingur ráðinn í fullt starf frá og með 1. feb 2023. Valur lét að störfum í ágúst 2023 og var Sigurjón Valmundarson hjúkrunarfræðingur og bráðatæknir ráðinn í hans stað.

Seint á árinu 2022 óskaði Heilbrigðisráðuneytið eftir liðsinni skólans við að taka saman upplýsingar um stöðu vettvangsliða á Íslandi og kortleggja hvar þessir hópar væru starfandi. Þeirri vinnu lauk 2023 með útgáfu skýrslunnar „Samantekt um stöðu vettvangsliða sem hluta af viðbragði heilbrigðisstofnana á Íslandi“.

Sjúkraflutningaskólinn átti farsælt samstarf við marga aðila á árinu. Þakkir eru færðar rekstraraðilum sjúkraflutninga fyrir gott samstarf, en sérstaklega viljum við þakka Slökkviliði höfuðborgarsvæðisins, Heilbrigðisstofnun Suðurlands, Brunavörnum Suðurnesja, Heilbrigðisstofnun Suðurnesja, Slökkviliði Akureyrar, Slökkviliðinu í Fjarðarbyggð, Landsspítala, Sjúkrahúsinu á Akureyri og Neyðarlínunni fyrir veitta aðstoð við starfsþjálfun og aðra aðstoð við framkvæmd námskeiða. Endurlífgunarráð Íslands og Hrafnhildur Lilja Jónsdóttir kennslu- og þjálfunarstjóri á SAK fá þakkir fyrir gott samstarf. Umsjónarmenn, verkefnisstjórar og leiðbeinendur námskeiða eru burðarásar í náminu og fá þeir sérstakar þakkir fyrir vel unnin störf.

Skólastjóri vill þakka öllum samstarfsaðilum gott og farsælt samstarf á árinu 2023.

Ingimar Eydal
Skólastjóri